



Oñatiko txantxikua aztergai

Aranzadik ikertuko du hura | 8



Txantxikua. | JON GARIN

Arrasateko ziklo-kroserako prestaketa lanetan | 29



Kuadrillen Eguna antolatu dute Aretxabaletan, lehen aldiz | 21



Indarkeria matxista gaitzetsi dute eskualdeko herri guztietan | 'Herriak' saila

Aldarrikapena eta jaia Euskararen Egunerako

Debagoiengan ekimen ugari dabilta prestatzen | 'Herriak' saila

SINADURAK

- Loreak amamarentzat | 7 ANARTZ AGIRRE
- 7 | Zebra-bideak, zertarako? MIREIA BIKUÑA
- Azala eta mamia | 9 OSCAR RODRIGUEZ
- 19 | Berdintasunaren printzipioa MIEL GURIDI
- Xixilitarrak | 20 INAXIO GARRO
- 25 | Inkoherentziarekin balantzaka ATZOL ITURBE
- Ezustean | 48 AINTZANE OIARBIDE



ASTE HONETAN 'PUNTUA'-N:

- Bizitzeko eskubidearen aurkako urraketak
- Monika Madinabeitia, diasporaren gaian

JASO 'PUNTUA' ETXEAN: 943 25 05 05

HONDAKINEN BILKETA SISTEMARI BURUZKO HERRI GALDEKETA

Domekan argituko da herritarren nahia

Hondakinen bilketa sistemak aukeratzeko herri galdeketa egingo dituzte Bergaran eta Eskoriatzan



BERGARA

Bi aukera jarri zaizkie bergararrei mahai gainean, eta 12.344 herritarrek izango dute botoa emateko eskubidea. Aldez aurretik 419 herritarrek eman dute botoa. | 14

ESKORIATZA

Hiru aukera jarri zaizkie eskoriatzarrei mahai gainean, eta 3.289 herritarrek izango dute botoa emateko eskubidea. Aldez aurretik 88 herritarrek eman dute botoa. | 22

www.durangokoazoka.eus

50.

DA!

abenduaren 4tik 8ra

ANTOLATZAILEA

BABESLE NAGUSIAK

BABESLE PUBLIKOAK

BABESLE PRIVATUAK

Periko Solabarriaren irudia jaso du Eneko Barberenak

Ezker abertzaleko kideari egindako elkarrizketekin osatu du 'Periko gazteekin hizketan' liburua

MIRARI ALTUBE | ARRASATE

Ernaiko kideek eskatu zioten 2013an Perikoren gaineko liburu bat idazteko Barberenari, eta hark, Solabarria hurbiletik ez ezagutu arren, onartu egin zuen erronka. "Halaxe hasi ginen lanean talde bat, ikertzen, irakurtzen eta hura ezagutzen zutenekin egoten. Eta zortzi edo hamar elkarrizketa luze egin genizkion berari", dio Barberenak. Elkarrizketa luze horietan kontu asko jaso zituzten, beste batzuen artean bizipenak eta iritzi politikoa, bai iraganeko, bai egungo kontuen gainekoa. Eta horrek eman du *Periko gazteekin hizketan*.

Asko ikasteko

"Periko aipatzerakoan haren figura politikoren eta konpromiso nekaezinaren gainean egiten da berba sarritan. Baina nik uste dut humanismo handiko pertsona izan zela, beti pobreei eta langileei laguntzeko gertu", dio Barberenak. Horretan eredu izanik, harengandik asko dagoela ikasteko gaur egun ere uste du: "Aurreiritzirik gabe lagundu behar dugula erakusten digu. Errefuxiatuen gaia mahai gainean dagoenean askotan aurreiritziekin jokatzeko tentazioa izaten da, eta seguru nago inongo zalantza barik lagunduko zukeela hark".



Eneko Barberena, liburuaren idazlea. | MIRARI ALTUBE

Hala, biografia baino gehiago da liburua. "Berarekin izandako elkarrizketen emaitza da. Atal biografikoena Iñaki Egañaren sarrera da". Eta Barberenak pena handia du liburua bukatzeaz zela, aurtengo ekainean, hil izana ezker abertzaleko militante esanguratsua: "Askotan galdetzen zigun bere esanek balioren bat ote zuten, ez zuelako pertsonalismoetan jausi gura. Baietz esaten genion, bere istorioak eta bizipenak interesgarriak zirela egungo gazteendako ere".

Aurkezpena, domekan

Barberenaren laugarren liburua da, fikziozkoa ez den lehenengoa: "Aurrekoak genero ezberdinetako fikzioak izan dira eta hau saiakeratik gertu egon daitekeen lehenengoa da. Idazteko harra barruan daukat eta hor jarrai dezan gurako nuke", dio.

Domekan, hilaren 29an, Arrasaten aurkeztuko du liburua. Irati tabernan izango da, 18:30ean, txokolatetako lagunduta. Abenduaren 4an, ostera, Durangoko AAzokan egongo da, Ahotsenean.



Aukeran konpainiako dantzariak taula gainean. | KALI

Aukeran-ek erreperitorioa fusionatuko du Aramaion

IDOIA DAVILA | ARAMAIO

Euskararen Egunaren ospakizunaren baitan, Aukeran konpainiak *Fusioak* emanaldia eskainiko du Aramaion. Bihar, zapatua, izango da dantza ikuskizuna, kultur etxean, 20:30ean.

Tradizionala eta oraingoa

Aukeran dantza konpainia Edu Muruamendiarazek sortu zuen 1997an eta geroztik hainbat ikuskizun ekoiztu ditu taldeak. Ekoizpen horietan, dantza tradizionalaren eta garaikidearen arteko uztarketa egiten dute, askotan musika eta dantza tradizionalaren erritmo bizia apurtuz, pausoak mantsotuz.

Publikoak eta kritikak harre-ra ona egin diote konpainiari bira egin izan duen lekuetan. Espainiako hainbat hiritan, Frantzia, Filipinetan, Argentinan eta Uruguain eskaini izan ditu konpainiak ikuskizunak, besteak beste.

Koreografiaren nahasketa

Fusioak ikuskizunak konpainiak orain arte egin dituen koreografia politenak hartzen ditu eta beste hiru gehitzen dizkio erreperitorioari. Emanaldi minimalista da eta "dantzari eman nahi izan zaio protagonismo guztia", Muruamendiarazek dioenez.

Aramaion Euskararen Egunaren harira ospakizun bat antolatu da eta horren baitan eskainiko da dantza emanaldia; izan ere, Aukeran konpainiak euskal dantza izaten du koreografia guztietan, "emanaldi guztiek dute lotura euskal kulturarekin".

Sarreraren salmenta

Dantza emanaldirako sarrerak bihar bertan erosi ahal izango dira Aramaio kultur etxean. Umeen sarreraren prezioa 2 eurokoa izango da eta helduena, aldiz, 5ekoa.

Kultura artean korapilatutako istorioak Itziar Labordaren eleberrian

'La herida de los diferentes' argitaratu berri du irakasle bergararrak

M.A. | BERGARA

Lehenengo eleberria argitaratu du Bilbon bizi den Itziar Laborda bergararrak. Kulturen eta arrazen arteko ezberdintasunean oinarritutako istorioa jaso du *La herida de los diferentes* eleberrian.

Baztandik Ipar Amerikara

Irakaslea izan da urte askoan Laborda, nahiz eta azken hirurak erretiratuta egon: "Kanpotik etorritakoei eman nizkien eskolak orduan. Eta horrek zein ezberdina garen gogoeta eragin zidan. Hortik istorioa sortu zen, poliki-poliki aurrera egin zuen, eta gero liburua etorri da", dio. Guz-tira, bi urtetako lana izan da.

Istoriok Baztanen, Nafarroan, du hasiera, agoteen lurraldean eta handik Frantziara joko du kataroengana, baita Ipar Ameri-



Itziar Laborda idazlea. | LL

kara ere, gero. Hala, bost kultura talde ezberdinen arteko gorabeherak izango dira: "Baztanen hasiko da istorioa bi familiarekin eta Ameriketara joan beharko dute horiek gero", dio.

XVIII. mendean hasi eta gaur egunera arteko kontuak jaso ditu, gainera: "Dokumentazio lan handia eskatu dit horrek, eta hara eta hona ibili beharra; Frantziara, esaterako". Gaztelera hautatu du lehenengo eleberria idazteko bergararrak: "Ama hizkuntza dut euskara, baina ikasketak gaztele-raz egin nituen eta Bilbon, gainera, ez da Bergaran beste egiten. Hortaz, ez dut erraztasunik euskaraz idazteko. Hala ere, euskal berba asko sartu ditut", argitu du.

Eguaztenean Bergaran

Bilboko Beta argitaletxearekin kaleratu du liburua eta Elkar arduratuko da banaketarekin. Hala, datorren eguaztenean, abenduaren 2an, Bergarako Elkar liburu-dendan izango da sinatzen 18:00etatik 19:30era. Durangon ere egongo da liburua.

Mursegok zabalduko ditu abenduko Kooltur Ostegunak

M.A. | ARRASATE

Mursegok, Maite Arroitauregi, eibartarra hirugarrenez izango da Kooltur Ostegunetan: "Gutxi-kerrepikatu dute, baina Mursegok pozik dakargu. Gustuko dute entzuleek, berezia delako eta nahaste bitxiak ekartzen dituelako beti; ikusleak harriztuta geratzen dira harekin", jakinarazi du Iker Barandiaran antolatzaileak. Horrek zabalduko du abenduko egitaraua, datorren egunean, hilaren 3an, 22:00etan.

Han taldea eta 'Vinylant' filma

Abendua motza izango da gaztetxeko ostegun musikariei dagokienez, baina indartsua. Hilaren 10ean, Han talde elorriarrak giroa du gaztetxea. Eskarmentu handiko musikariek, beste batzuen artean Ama Say eta Non Demontre taldeetako kideek, osatu dute taldea da eta atera berri dute *Han* diskoa aurkeztera datoz. "Bon-

berenea estudioetan grabatu dute eta kontzertu gutxi batzuk dabilta eskaintzen; gurean izango da bat", argitu du Barandiaranek.

Eta abendua bukatzeko, hilaren 17an, *Vinylant* filma emanango dute, Amaia antzokian. Marcos Garcia eta Mikel Insausti donostiarrek zuzendutako filma Donostiako Zinemaldian aurkeztu zuten, eta, hain zuzen, filmean parte hartu duen Last Fair Deal taldea ere etorriko da zuzeneko akustikoa eskaintzera. Zuzendariak ere bertan izango dira.

Pozik orain artekoarekin

Antolatzaileak oso pozik daude Kooltur Ostegunak irailtik hona izan duten ibilbidearekin: "Ikusle kopuru polita izan da egun guztietan eta oso pozik gaude, baita etorritako taldeen kalitatearekin ere", jakinarazi du Barandiaranek.